

Inatsisartut suleriaasiat § 33 naapertorlugu Inatsisinut Ataatsimiititaliami ilaasortat matumuuna aalajangiiffigisassatut siunnersuut saqqummiuppaa:

Inatsisartut Ombudsmandiata 2016-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersut.

(Inatsisinut Ataatsimiititaliaq: Inatsisinut Ataatsimiititaliap Siulittaasorigallagaa Debora Kleist, Inuit Ataqtigiit, Pitsi Høegh, Inatsisinut ataatsimiititaliami Siulittaasup tullerigallagaa, Siumut, , Laura Táunâjik,, Siumut, Iddimangiiu Bianco, Inuit Ataqtigiit, Per Rosing-Petersen, Partii Naleraq)

Tunngavilersuut:

Allaffissornikkut aqutsinerup inatsisini sinaakkusiussat iluanni kiisalu ingerlatsivinni inatsisitigut malitarisassat iluini ingerlanneqarnissaa pillugu Inatsisartut inatsisiliortutut Ombudsmandi nakkutilliisussatut suliaqarnissaanik pisussaaffilerpaat. Taamaalilluni Ombudsmandi Inatsisartut Naalakkersuisunik nakkutilliinerannut sakkuvoq, kisiannili aamma nunap innuttaasa eqqartuussiveqarnikkut illersugaanissaannut qulakkeerinnittuulluni. Ombudsmandi taamaalilluni tassaavoq *Inatsisartut innuttaasullu* ataatsimut Ombudsmandiat.

Inatsisartut Ombudsmandiat ukiut tamaasa Inatsisartunut nalunaarusiortarpoq, tassa ukiumi qaangiuttumi Ombudsmandip suliarisarsimasani nalunaarusiaralugit.

Ombudsmandip 2016-mut ukiumoortumik nalunaarusiaani – maannamut pisarnertut – suliart arlallit malittarisassatut tunngavimmi namminermit imaluunniit malittarisassat allaffissuutigineranni kukkunerit amigaatillu nalunaarutigineqarsimasut ilanngunneqarsimapput.

Ukiuni kingullerni Ukiumoortumik Nalunaarutit aamma, ajornartorsiutit minnerunngitsumik oqartussaasunut Inatsisartunullu soqutiginaateqartut pillugit, allaaserisanik ataasiakkaanik imaqtarsimapput.

Taamaalilluni innutaasut piginnaatitaaffitsigut isumannaatsuutinnaat pisortatullu oqartussat suliaminnik suliarinnittarnissaat nukittorsartuarneqaqqullugu anguniagaqarnitsinni ukiumoortumik nalunaarusiaq sakkutut ikiuutitullu atorineqarsinnaavoq.

Inatsisinut Ataatsimiititaliap isumaqtigiittup taamatut oqaaseqarluni Inatsisartut Ombudsmandiata 2016-imut nalunaarutaata pillugu siunnersuut Inatsisartunit tusaatissatut tiguneqartussanngorlugu saqqummiuppaa.

Ilanngulluguttaaq Inatsisartut Ombudsmandiat 2016-imi suliaanut Inatsisinut Ataatsimiititaliap qujassuteqassaaq.